


ab omni adversitate familiam: et toto corde tibi prostratam, ab hostium propitius tuere clementer insidiis. Per Christum Dnm nostrum. R. Amen.

Orémus.

Deus, qui ineffabili providentia sanctos Angelos tuos ad nostram custodiam mittere dignaris: largire supplicibus tuis; et eorum semper protectione defendi, et aeterna societate gaudere. Per Christum Dnm nostrum. R. Amen.

Postea manu dextera producens signum crucis super pueros; benedicit eos, dicens:

Benedicat vos Deus, et custodiat corda vestra et intelligentias vestras, Pater, et Filius , et Spiritus Sanctus.

R. Amen.

Deinde aspergat pueros aqua benedicta in modum crucis.

BENEDICTIO

PUERORUM AEGROTANTIUM.

Pueri infirmi, qui ad hunc usum rationis pervenerunt, ut ipsis preberi possit Sacramentum Extremæ Uctionis, iis adjuventur exhortationibus et precibus, quæ describuntur in Rituali Romano, ubi de visitatione et cura Infirmorum, prout feret temporis opportunitas, et eorundem aegrotantium status.

Verum pro cæteris junioribus pueris infirmis adhiberi poterunt sequentes preces.

Sacerdos igitur infirmi cubiculum ingressus, primum dicat:

V. Pax huic dómui.

R. Et ómnibus habitántibus in ea.

Mox infirmum et lectum ejus et cubiculum aspergat nihil dicens.

Deinde dicere poterit supra infirmum Psalm. 112.

Laudáte, púeri, Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, * et humília respicit in cælo, et in terra?

Súscitans a terra ínopem, * et de stercore érigens paúperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Glória Patri. Sicut erat.

Postea dicat:

Kyrie eléison. Christe eléison. Kyrie eléison.

Pater noster. *secreto.*

V. Et ne nos indúcas in tentatió-
nem.

- R. Sed libera nos a malo.
V. Deus noster miserétur.
R. Custódiens párvulos Dóminus.
V. Sínite párvulos veníre ad me.
R. Tálíum est eum regnum cæló-
rum.
V. Dómine exaúdi, etc.
R. Et clamor meus, etc.
V. Dóminus vobíscum.
R. Et cum spírítu tuo.

Orémus.

Deus, cui cuncta adoléscent, et per quem adúlta firmántur: exténde dexteran tuam super hunc fámulum tuum (vel hanc fámulam tuam), in ténera ætáte languéntem: quátenus vigóre sanitátis recépto, ad annórum pervéniat plenitúdinem, et tibi fidéle, grátúmque obséqium indesinénter præstet ómnibus diébus vitæ suæ. Per Dóminum nostrum Jesum Christum, etc.

R. Amen.

Orémus.

Pater misericordiárum, et Deus totius consolatiónis, qui creatúra tuæ multiplici pietáte cónsulens, non solum animæ sed ipsi córpori curatiónis grátiam benignus infúndis: hunc párvulum infirmum (vel hanc párvulam infirmam) a lecto ægritudinis erigere, et Ecclesiæ tuæ sanctæ, suisque paréntibus incólumem restituere dignéris; ut cunctis prolongátæ sibi vitæ diébus, grátia et sapiéntia coram te et homínibus proficiens, in justítia et sanctitáte tibi sérviat, et débitas misericórdiæ tuæ réferat gratiárum actiões. Per Christum Dóminum nostrum.

R. Amen.

Orémus.

Deus, qui miro órdine Angelórum ministéria, hominúmque dispénsas: concede propitijs; ut, a quibus tibi ministrántibus in cœlo semper assístitur, ab his in terra vita hujus púeri (vel púe-

llæ) maniat. Per Christum Dóminum nostrum. R. Amen.

Completa Oratione ultima, Sacerdos imponat dexteram manum super caput infirmi, et dicat:

Super ægros manus impónent, et bene habébunt. Jesus, Mariæ Filius, mundi salus et Dóminus, méritis et intercessiõe sanctórum Apostolórum suórum Petri et Pauli, et ómnium Sanctórum, sit tibi clemens et propítius. Amen.

Quod sequitur Evangelium, pro temporis opportunitate et pro ægrotantis pueri parentum desiderio, Sacerdotis arbitrio dici poterit.

V. Dóminus vobíscum.

R. Et cum spíritu tuo.

Intium sancti Evangelii secúndum Joánnem.

R. Glória tibi, Dómine.

Dum Sacerdos dicit Intium etc. facit signum crucis de more super se in fronte, ore et pectore; similiter super

puerum infirmum; si non potest se signare.

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hóminum: et lux in ténebris lucet, et ténebræ eam non comprehendérunt. Fuit homo missus a Deo, cui nomen erat Joánnes. Hic venit in testimónium, ut testimónium perhiberet de lumine, ut omnes créderent per illum. Non erat ille lux, sed ut testimónium perhiberet de lumine. Erat lux vera, quæ illuminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non receperunt. Quotquot autem receperunt eum, dedit eis potestátem filios Dei fieri, his, qui credunt in nómine ejus: qui non ex sanguínibus, neque ex voluntáte car-

nis, neque ex voluntáte viri, sed ex Deo nati sunt. (Hic genuflectitur.) Et Verbum caro factum est, et habitávit in nobis: et vidimus glóriam ejus, glóriam quasi Unigéniti a Patre, plenum grátie et veritátis. R. Deo grátias.

Postea benedicens puerum infirmum, subjungat dicens:

Benedictio Dei omnipoténtis, Patris, et Filii ✠, et Spíritus Sancti, descendat super te, et máneat semper.

R. Amen.

Deinde aspergat eum aqua benedicta.

¶ Si fuerint plures infirmi in eodem cubiculo vel loco, Orationes et Benedictio predictæ dicuntur super eos numero plurali.

BENEDICTIO
VESTIUM ET CINGULI

QUE DEFERUNTUR IN HONOREM BEATÆ
MARIE VIRGINIS.

Pro benedictione Vestis.

- V. Adjutorium, etc.
 R. Qui fecit, etc.
 V. Dominus vobiscum.
 R. Et cum spiritu tuo.

Oremus.

Béne ✠ dic, Dómine, vestem istam, in honórem et sub protectiōne beatíssimæ Vírginis Mariæ suméndam: et præsta per invocatiōnem sancti tui nómínis; ut qui eam indúerit, córporis sanitátem, et ánimæ tutélam percípiat. Per Christum Dóminum nostrum.

R. Amen.

Deinde vestis aspergatur aqua benedicta.

Pro benedictione Cinguli.

- V. Adjutorium, etc.
 R. Qui fecit, etc.
 V. Dominus vobiscum.
 R. Et cum spiritu tuo.

Oremus.

Deus, qui ut servum redímeres, Fílium tuum per manus impiórum ligári vo-

lúisti: béne ✠ dic, quæsumus, cingulum istud; et præsta, ut fámulus tuus, qui eo velúti sui córporis poenitentiáli ligámíne cingétur, vinculórum ejúsdem Dómini nostri Jesu Christi perpétuus existat amátor, túsque semper obséquíis se alligátum esse cognóscat. Per eúndem Dóminum nostrum Jesum Christum Fílium tuum: qui tecum vivit et regnat in unitáte, etc.

R. Amen.

Deinde cingulum aspergatur aqua benedicta.

BENEDICTIO

LINTEAMINUM PRO INFIRMIS.

- V. Adjutorium, etc.
 R. Qui fecit, etc.
 V. Dominus vobiscum.
 R. Et cum spiritu tuo.

Oremus. ✠

Dómine Jesu Christe, qui per tactum fimbriarum vestimentorum tuorum mulierem fluxu sanguinis laborantem, aliosque passim infirmos sanare dignatus est, et per sudaria, et semicinctia Apostoli tui Pauli languores et spiritus nequam ab infirmis eadem virtute fugasti: præsta, quæsumus; ut qui his vestimentis, velis, et lintheamentis, quæ in tuo nomine bene ✠ dicimus, induti vel operati fuerint, sanitatem mentis et corporis percipere mereantur. Qui vivis et regnas in sæcula sæculorum. R. Amen.

BENEDICTIO

CUJUSCUMQUE MEDICINÆ.

- V. Adjutorium, etc.
 R. Qui fecit, etc.
 V. Dominus vobiscum.
 R. Et cum spiritu tuo.

Oremus. ✠

Dæus, qui mirabiliter hominem creasti, et mirabilius reformasti, qui variis infirmitatibus, quibus detinetur humana mortalitas, multiplici remedio succurrere dignatus es: propitius esto invocationibus nostris, et sanctam tuam de cælis bene ✠ dictionem super hanc medicinam infunde; ut ille, qui eam sumpserit (vel hi, qui eam sumpserint), sanitatem mentis et corporis percipere mereatur (vel mereantur). Per Christum Dnm nostrum.

R. Amen.

Et mox aspergat medicinam aqua benedicta.

BENEDICTIO

PANIS ET PLACENTARUM.

Dómine Jesu Christe, panis Angelorum, panis vivus, et æternæ vitæ: be-

ne ✠ dicere dignare panem istum, sicut benedixisti quinque panes in deserto; ut omnes ex eo digne gustantes, inde corporis et animæ desiderabilem percipiant sanitatem. Per Christum Dominum nostrum. **R.** Amen.

BENEDICTIO**PECORUM ET JUMENTORUM.**

- V.** Adjutorium, etc.
R. Qui fecit, etc.
V. Dominus vobiscum.
R. Et cum spiritu tuo.

Orémus.

Domine Deus, rex cœli et terræ, Verbum Patris, per quod omnia facta sustentationi nostræ tradita sunt, respice, quæsumus, humilitatem nostram: et sicut nostris laboribus et necessitatibus subventionem tribuisti, ita tua benignissima miseratione, ac cœlesti

benedictione, hæc pecora et arménta (hoc pecus et arméntum) bene ✠ dicere, tuéri, et custodire, ac famulis tuis cum temporali provéntu grátiam perpétuam largiri dignéris; ut cum gratiarum actione nomen sanctum tuum laudetur et glorificetur. Qui vivis et regnas cum Deo Patre in unitate Spíritus Sancti Deus, per omnia sæcula sæculórum. **R.** Amen.

In nómine Pa ✠ tris, et Fi ✠ lii, et Spíritus ✠ Sancti. **R.** Amen.

BENEDICTIO**EQUORUM ET ANIMALIUM.**

- V.** Adjutorium, etc.
R. Qui fecit, etc.
V. Domine, exaudi, etc.
R. Et clamor meus, etc.
V. Dominus vobiscum.
R. Et cum spiritu tuo.

O rémus.

Deus, refúgium nostrum, et virtus: adesto piis Ecclésiæ tuæ précibus, auctor ipse pietátis, et præsta; ut quod fideliter pétimus, efficaciter consequámur. Per Christum Dóminum nostrum.

R. Amen.

O rémus.

Omnípotens sempitérne Deus, qui gloriósum beátum Antónium, váriis tentatióibus probátum, inter mundi hujus túrbines illæsum abire fecisti: concede fámulis tuis; ut et præcláro ipsius proficiámus exémplo, et a præsentis vitæ periculis ejus méritis et intercessiône liberémur. Per Christum Dóminum nostrum. R. Amen.

O rémus.

Bene ✠ dictionem tuam, Dómine, hæc animalia accípiant: qua corpore salvéntur, et ab omni malo per intercessiõem beáti Antónii liberéntur. Per

Christum Dnm nostrum. R. Amen.

Deinde aspergantur aqua benedicta.

BENEDICTIO

FONTIS BAPTISMI.

EXTRA SABBATUM PASCHÆ ET PENTECOSTES, CUM AQUA CONSECRATA NON HABETUR.

(In fini tit. de Baptismo.)

Primum lavatur, et mundatur vas Baptisterii, deinde limpida aqua repletur. Tunc Sacerdos cum suis Clericis, vel etiam aliis Presbyteris, Cruce et duobus cereis præcedentibus, ac thuribulo et incenso, et cum vasculis Chris-matis, et Olei Catechumenorum, descendit ad Fontem, et ibi, vel ante Altare Baptisterii dicit Litaniam ordinariam, prout habetur infra (ad calcem libri.) Et ante V. Ut nos exaudíre dignéris, dicat et secundo repetat sequentem.

V. Ut Fontem istum ad regenerandam tibi novam prolem benedicere ✠, et consecrāre ✠ digneris.

Te rogāmus audi nos.

Potest etiam dici Litanía brevior, ut in Missali in Sabbato Sancto.

Et dicto ultimo Kyrie eléison, Sacerdos dicat: Pater noster, et Credo in Deum, etc. omnia clara voce: quibus finitis dicat:

V. Apud te, Dómine, est fons vitæ.

R. Et in lumine tuo videbimus lumen.

V. Dómine, exaudi, etc.

R. Et clamor meus, etc.

V. Dóminus vobiscum.

R. Et cum spíritu tuo.

O rémus.

Omnípotens, sempitérne Deus, adésto magnæ pietátis tuæ mystériis, adésto sacramentis: et ad recreādos novos pópulos, quos tibi fons Baptísmatis párturit, spíritum adoptiónis emitte;

ut quod nostræ humilitátis geréndum est ministério, virtútis tuæ impleátur effectū. Per Dóminum nostrum Jesum Christum Fílium tuum, qui tecum vivit, et regnat in unitáte Spíritus Sancti Deus, per ómnia sæcula sæculórum.

R. Amen.

Exorcismus aquæ.

Exorcízo te, creatúra aquæ, per Deum ✠ vivum, per Deum ✠ verum, per Deum ✠ sanctum, per Deum, qui te in principio, verbo separávit ab árida, cujus super te spíritus ferebátur, qui te de paradíso manáre jussit.

Hic manu aquam dividat, et deinde de ea effundat extra marginem Fontis, versus quatuor orbis partes, prosequens:

Et in quātuor flumínibus totam terram rigáre præcépit: qui te in desérto amáram, per lignum dulcem fecit, atque potábilem: qui te de petra produxit, ut pópulum, quem ex Ægypto

liberáverat, siti fatigátum recreáret. Exorcizo te, per Jesum Christum, Fílium ejus únicum, Dóminum nostrum, qui te in Cana Galilææ signo admirábili sua poténtia convértit in vinum: qui super te pédibus ambulávit, et Joánne in Jordáne in te baptizátus est: qui te una cum ságuine de látere suo produxit: et discipulis suis jussit, ut credentes baptizarent in te, dicens: Ite, docéte omnes gentes, baptizantes eos in nómine Patris, et Fílii, et Spíritus Sancti; ut efficiáris aqua sancta, aqua benedícta, aqua, quæ lavat sordes, et mundat peccáta. Tibi igitur præcipio, omnis spíritus inmúnde, omne phantásma, omne mendácium, eradicáre, et effugáre ab hac creatúra aquæ, ut qui in ipsa baptizándi erunt, fiat eis fons aquæ salientis in vitam ætérnam, regenerans eos Deo Patri, et Filio, et Spíritui Sancto, in nómine ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. **R.** Amen.

Orémus.

Oratio.

Dómine sancte, Pater omnipotens, ætérne Deus, aquárum spirituálium sanctificátor, te suppliciter deprecámur: ut ad hoc ministérium humilitátis nostræ respicere dignéris, et super has aquas, abluéndis et purificándis homínibus præparátas, Angelum sanctitátis emíttas, quo peccátis vitæ prióris ablútis, reatúque detérso, purum Sancto Spíritui habitáculum regeneráti éffici mereántur. Per Dóminum nostrum Jesum Christum Fílium tuum: qui tecum vivit et regnat in unitáte ejúsdem Spíritus Sancti Deus, per ómnia sæcula sæculórum. **R.** Amen.

Tunc sufflet ter in aquam versus tres partes secundum hanc figuram Ψ ; deinde imponit incensum in thuribulo, et fontem incensat. Postea infundens de Oleo Catechúmenorum in aquam in modum crucis, clara voce dicit:

Sanctificétur, et fœcundétur Fons iste Oleo salútis renascéntibus ex eo in

vitam ætérnam: in nómine Patris ✠,
et Fílii ✠, et Spíritus ✠ Sancti.

R. Amen.

Deinde infundit de Chrismate, modo quo supra, dicens: Infúsius Chrísmatis Dómini Jesu Christi, et Spíritus Sancti Parácliti, fiat in nómine sanctæ Trinitátis. **R.** Amen.

Postea accipit ambas ampullas dieti Olei sancti et Chrismatis, et de utroque simul in modum crucis infundendo, dicit:

Commixtio Chrísmatis sanctificatiónis, et Olei unctiόνis, et aquæ Baptísmatis páriter fiat in nómine Patris ✠, et Fílii ✠, et Spíritus ✠ Sancti.

R. Amen.

Tunc depositis ampullis, dextera manu Oleum sanctum, et Chrisma infusum miscet cum aqua, et spargit per totum Fontem. Deinde medulla panis manum tergit; et si quis baptizandus est, eum baptizat, ut supra. Quod si neminem baptizat, statim manus

ablquat, et ablutio effundatur in Sacramentum.

BENEDICTIO**TABERNACULI SEU VASCULI**

PRO SACROSANCTA EUCHARISTIA CONSERVANDA.

V. Adjutórium, etc.

R. Qui fecit, etc.

V. Dóminus vobíscum.

R. Et cum spíritu tuo.

Orémus.

Omnípotens sempitérne Deus, majestátem tuam súpplices deprecámur: ut vasculum hoc pro Cópore Fílii tui Dómini nostri Jesu Christi in eo condéndo fabricátum, bene ✠ dictionis tuæ grátia dicáre dignéris. Per eúdem Dóminum nostrum etc. **R.** Amen.

Deinde aspergit illud aqua benedicta.

BENEDICTIO NOVAE CRUCIS.

- V. Adjutorium, etc.
 R. Qui fecit, etc.
 V. Domine, exaudi, etc.
 R. Et clamor meus, etc.
 V. Dominus vobiscum.
 R. Et cum spiritu tuo.

Orémus.

Progamus te, Domine sancte, Pater omnipotens, aeternae Deus: ut digneris bene **✠** dicere hoc signum Crucis tuae, ut sit remedium salutare generi humano; sit soliditas fidei, profectus bonorum operum, redemptio animarum; sit solamen, et protectio, ac tutela contra saeva iacula inimicorum. Per Christum Dominum nostrum. R. Amen

Alia Oratio ad idem.

Dene **✠** dic, Domine Jesu Christe, hanc Crucem tuam, per quam eripuisti mundum a potestate daemonum, et superasti passione tua suggestorem

peccati, qui gaudēbat in praevaricatione primi hominis per ligni vetrici sumptionem. Hic aspergat aqua benedicta. Sanctificetur hoc signum Crucis in nomine Patris **✠**, et Filii **✠**, et Spiritus **✠** Sancti; ut orantes, inclinantesque se propter Dominum ante istam Crucem, inveniant corporis et animae sanitatem. Per Christum D. N.

R. Amen.

Postea Sacerdos genuflexus ante Crucem devote adorat, et osculatur, et idem faciunt quicumque voluerint.

BENEDICTIO IMAGINUM.

JESU CHRISTI DOMINI NOSTRI, B. MARIAE
 V. ET ALIORUM SANCTORUM.

- V. Adjutorium, etc.
 R. Qui fecit, etc.
 V. Dominus vobiscum.
 R. Et cum spiritu tuo.

Edwardo Syllor.

Orémus.

Omnípotens, sempitérne Deus, qui Sanctórum tuórum imáginés (sive effigies) sculpi, aut pingi non réprobas, ut quóties illas óculis córporis intuémur, tóties eórum actus et sanctitátem ad imitándum memóriæ óculis meditémur: hanc, quæsumus, imáginem (seu sculptúram) in honórem et memóriam unigéniti Fílii tui Dómini nostri Jesu Christi (vel beatíssimæ Vírginis Mariæ, matris Dómini nostri Jesu Christi, vel beáti N. Apóstoli tui, vel Mártiris, vel Confessóris, aut Pontíficis, aut Vírginis) adaptátam bene **✠** dicere, et sancti **✠** ficáre dignéris: et præsta; ut quicúmque coram illa unigénitum Fílium tuum (vel beatíssimam Vírginem, vel gloriósum Apóstolum, sive Mártirem, sive Confessórem, aut Vírginem) suppliciter cólere et honoráre studérit, illius méritis et obténtu a te grátiam in præsentí, et ætérnam glóriam

obtíneat in futúrum. Per Christum Dóminum nostrum. R. Amen.

Ultimo aspergat aqua benedicta.

RITUS BENEDICENDI ET IMPONENDI

PRIMARIUM LAPIDEM PRO ECCLESIA AEDIFICANDA,

SERVANDUS A SACERDOTE FACULTATEM HABENTE AB EPISCOPO.

Ecclésiám ex Episcopi auctoritate tantum, juxta sacrorum Canonum decretá, ædificari fas est. Si vero Sacerdos, ejus ædificationis primarium lapidem benedicendi potestatem habens, ejusmodi functionem peragat, hunc ritum servabit.

Prædie quam primarius lapis benedicatur, lineam Crucem in loco, ubi debet esse Altare, figat ipse, vel alius Sacerdos. Sequenti vero die lapis in Ecclesiæ fundatione ponendus, qui de-

bet esse quadratus, et angularis, benedicatur hoc modo.

Sacerdos indutus anictu, alba, cingulo, stola, et pluviali albi coloris, adhibitis aliquot Sacerdotibus et Clericis, sal et aquam benedicit, nisi prius in promptu habeat jam benedictam ordinaria benedictione, ut supra pag. 25; et interim, dum cantatur a Clericis Antiphona cum Psalmo sequenti, aspergit locum, ubi Crux posita est. cum aqua benedicta.

Ant. Signum salutis pone, Domine Jesu Christe, in loco isto: et non permittas introire angelum perentientem.

Psalms 83.

Quam dilecta tabernacula tua, Domine virtutum! * concupiscit, et deficit anima mea in atria Domini.

Cor meum, et caro mea * exultaverunt in Deum vivum.

Enim passer invenit sibi domum: * et turtur nidum sibi, ubi ponat pullos suos.

Altaria tua, Domine virtutum: * Rex meus, et Deus meus.

Beati, qui habitant in domo tua, Domine: * in secula seculorum laudabunt te.

Beatus vir, cujus est auxilium abs te: * ascensiones in corde suo disposuit, in valle lacrymarum, in loco quem posuit.

Enim benedictionem dabit legislator, ibunt de virtute in virtutem: * videbitur Deus deorum in Sion.

Domine Deus virtutum, exaudi orationem meam: * auribus percipe, Deus Jacob.

Protector noster aspice, Deus et respice in faciem Christi tui.

Quia melior est dies una in atris tuis, * super millia.

Elegi abjectus esse in domo Dei mei: * magis quam habitare in tabernaculis peccatorum.

Quia misericordiam, et veritatem diligit Deus: * gratiam et gloriam dabit Dominus.

Non privabit bonis eos, qui ambulat in innocentia: * Dómine virtutum, beátus homo, qui sperat in te.

Glória Patri. Sicut erat.

Finito Psalmo, Sacerdos versus ad locum per eum aspersum, dicit:

Orémus.

Dómine Deus, qui licet coelo et terra non capiáris, domum tuam dignáris habere in terris, ubi nomen tuum júgiter invocétur: locum hunc, quæsumus, beátæ Mariæ semper Vírginis, et beáti **N. (nominando Sanctum vel Sanctám, in cujus honorem ac nomen fundabitur Ecclesia)**, omniúmque Sanctórum intercedéntibus méritis, seréno pietátis tuæ intútu vísita, et per infusiónem grátiae tuæ ab omni inquinaménto purífica, purificátumque consérva; et qui dilécti tui David devotiónem in filii sui Salomónis ópere complevísti, in hoc ópere desidéria nostra perfícere dignéris, effugiántque omnes hinc nequítiae

spirituáles. Per Dóminum nostrum Jesum Christum Filium tuum, etc.

R. Amen.

Postea stans benedicit primarium lapidem, dicens:

V. Adjutórium, etc.

R. Qui fecit, etc.

V. Sit nomen Dómini benedictum.

R. Ex hoc nunc et usque in sæculum.

V. Lápide, quem reprobavérunt edificántes.

R. Hic factus est in caput ánguli.

V. Tu es Petrus.

R. Et super hanc petram ædificábo Ecclésiám tuam.

V. Glória Patri, et Filio, et Spirítui Sancto.

R. Sicut erat in princípio, et nunc, et semper, et in sæcula sæculórum. Amen.

Orémus.

Dómine Jesu Christe, Fili Dei vivi, qui es verus omnipotens Deus, splendor

et imágo ætérni Patris, et vita ætérna: qui es lapis anguláris de monte sine máribus abscíssus, et immutábile fundaméntum: hunc lápidem collocándum in tuo nómine confírma; et tu, qui es princípium et finis, in quo princípium Deus Pater ab initío cuncta creávit, sis, quæsumus, princípium, et increméntum, et consummátio ipsius óperis, quod debet ad laudem et glóriam tui nóminis inchoári. Qui cum Patre, et Spírítu Sancto vivis et regnas Deus, per ómnia sæcula sæculórum.

R. Amen.

Tunc aspergit lapidem ipsum aqua benedicta, et accepto cultro, per singulas partes sculpsit in eum signum crucis, dicens: In nómine Patris ✠, et Filii ✠, et Spírítus ✠ Sancti.

R. Amen.

Quo facto dicit:

Orémus.

Benedic ✠ Dómine creatúram istam lápidis, et præsta per invocatiónem

sancti Nóminis tui: ut quicumque ad hanc Ecclesiám ædificándam pura mente auxiliúm déderint, córporis sanitátem, et animæ medélam percípiant. Per Christum Dóminum nostrum.

R. Amen.

Postea dicantur Litanie ordinariæ (ut ad calcem libri,) sine Orationibus in fine positis: quibus dictis, parato cæmento, et cæmentario assistente, Sacerdos inchoat, Clericis prosequentibus; Antiphonam:

Mane surgens Jacob, erigebat lapidem in titulum: fundens óleum désuper, votum vovit Dómino: Vere locus iste sanctus est, et ego nesciebam.

Psalmus 126.

Nisi Dóminus ædificáverit domum, * in vanum laboravérunt qui ædificant eam.

Nisi Dóminus custodíerit civitátem, * frustra vígilat qui custódit eam.

Vanum est vobis ante lucem surge-

re: * súrgite postquam sedéritis, qui manducátis panem dolóris.

Cum déderit diléctis suis somnum: *
* ecce heréditas Dómini, filii: merces, fructus ventris.

Sicut sagittæ in manu poténtis: *
ita filii excussórum.

Beátus vir, qui implévit desidérium suum ex ipsis: * non confundétur, cum loquétur inimicis suis in porta.

Glória Patri. Sicut erat.

Quo dicto, Sacerdos stans tangit, et ponit ipsum primarium lapidem in fundamento, dicens:

In fide Jesu Christi collocámas lápidem istum primárium in hoc fundamento, in nómine Pa **✠** tris, et Fí **✠** lii, et Spíritus **✠** Sancti: ut vígeat vera fides hic, et timor Dei, fratérnaque diléctio; et sit hic locus destinátus oratióni, et ad invocándum, et laudándum nomen ejúsdem Dómini nostri Jesu Christi, qui cum Patre et Spíritu

Sancto vivit et regnat Deus, per ómnia sæcula sæculórum.

R. Amen.

Interim cæmentarius locat ipsum lapidem cum cæmento: postea Sacerdos spargit super ipsum lapidem aquam benedictam, dicens:

Aspérges me, Dómine, hyssópo, et mundábor: lavábis me, et super nivem dealbábor.

Psalm. Miserére mei, Deus (ut ad calcem libri): dicitur totus cum Glória Patri.

Quo dicto, Sacerdos spargit aquam benedictam per omnia fundamenta, si sunt aperta: si vero non sunt aperta, circuit aspergendo fundamenta Ecclesiæ designata. Et incipiens aspergere, inchoat Antiphonam, Clero prosequente.

Ant. O quam metuéndus est locus iste! Vere non est hic áliud, nisi domus Dei, et porta cœli.

Psalmus 86.

Fundamenta ejus in montibus sanctis:
* diligit Dominus portas Sion super
omnia tabernacula Jacob.

Gloriosa dicta sunt de te, * civitas
Dei.

Memor ero Rahab et Babylouis *
scientium me.

Ecce alienigenae, et Tyrus, et popu-
lus Aethiopum, * hi fuerunt illic.

Numquid Sion dicet: Homo, et ho-
mo natus est in ea: * et ipse fundavit
eam Altissimus?

Dominus narrabit in scripturis po-
pulorum, et principum: * horum, qui
fuerunt in ea.

Sicut letantium omnium * habitatio
est in te.

Gloria Patri. Sicut erat.

Ant. O quam metuendus est locus
iste! Vere non est hic aliud, nisi do-
mus Dei, et porta celi.

Interim aspergendo procedit usque
ad fundamenta aperta, seu designata;

et repetita Antiphona, stans dicit:
Orémus.

Ministri: Flectamus genua. **R.** Le-
vate.

Omnipotens, et misericors Deus, qui
sacerdotibus tuis tantam prae caeteris
gratiam contulisti, ut quidquid in tuo
nomine digne, perfectèque ab eis agi-
tur, a te fieri credatur: quæsumus im-
mensam clementiam tuam; ut quidquid
modo visitaturi sumus, visites: et quid-
quid benedicturi sumus, bene **✠** dicas:
sitque ad nostrae humilitatis introitum;
Sanctorum tuorum meritis, fuga dæ-
monum, Angeli pacis ingressus. Per
Christum Dominum nostrum.

R. Amen.

Deus, qui ex omnium cohabitatione
Sanctorum æternum majestati tuæ
condis habitaculum: da ædificationi
tuæ incrementa cœlestia; ut quod te
jubente fundatur, te largiente perficiat-
ur. Per Christum Dum nostrum.

R. Amen.